



## OPĆINSKO VIJEĆE

### Informacija sa 26. redovne sjednice Općinskog vijeća općine Foča

Dana 03.09.2020. godine održana je 26. redovna sjednica Općinskog vijeća općine Foča

Na sjednici je usvojen slijedeći dnevni red :

1. Razmatranje i usvajanje zapisnika sa 25. redovne sjednice Općinskog vijeća;
2. Razmatranje i usvajanje zapisnika sa 5. vanredne sjednice Općinskog vijeća;
3. Vijećnička pitanja i inicijative;
4. Prijedlog Odluke o kriterijima, uslovima i postupku ostvarivanja prava na subvencioniranje zakupnine za stan u stanovima namijenjenim za neprofitno stanovanje;
5. Prijedlog Odluke o utvrđivanju statusa napuštenog dijela javne ceste za k.č. 103/14 ukupne površine 12 m<sup>2</sup>, K.o. Ustikolina;
6. Prijedlog Odluke o izmjenama i dopunama Budžeta Općine Foča za 2020. godinu;
7. Prijedlog Odluke o izmjenama i dopunama Odluke o izvršavanju Budžeta Općine Foča za 2020. godinu
8. Izvještaj o izvršenju Budžeta općine Foča za period 01.01.2020. godine – 30.06.2020. godine;
9. Izvještaj o ostvarivanju politike Općine i aktivnostima Općinskog načelnika za 2019. godinu;
10. Izvještaj o radu MZ-e Ustikolina sa finansijskim pokazateljima za 2019. godinu;
11. Informacija Komisije za izbor članova Skupštine Javnog komunalnog preduzeća "Ušće" d.o.o. Foča - Ustikolina;
12. Inicijativa Medžlisa Islamske zajednice Ustikolina o preimenovanju pješačkog mosta u „Most žrtava genocida u Srebrenici“

Na samom početku sjednice, nakon razmatranja zapisnika i vijećničkih pitanja i inicijativa, usvojen je prijedlog Odluke o kriterijima, uslovima i postupku ostvarivanja prava na subvencioniranje zakupnine za stan u stanovima namijenjenim za neprofitno stanovanje. Prilikom obrazlaganja ovog prijedloga odluke istaknuta je potreba da se predvide subvencije za porodice odgovarajućih kategorija koje ne mogu plaćati zakupninu ni po cijenama koje su ispod tržišne. Uspostavljanje sistema subvencioniranja zakupnine u stanovima namijenjenim za neprofitno – socijalno stanovanje na području općine vrši se u cilju funkcionisanja pravednog i održivog sistema neprofitno – socijalnog stanovanja u svjetlu socijalnih prilika u kojima se nalazi Bosna i Hercegovina. U nastavku sjednice usvojen je i Prijedlog Odluke o utvrđivanju statusa napuštenog dijela javne ceste za k.č. 103/14 ukupne površine 12 m<sup>2</sup>, K.o. Ustikolina.

Općinsko vijeće je zatim usvojilo i Odluke o izmjenama i dopunama Budžeta Općine Foča za 2020. godinu i izmjenama i dopunama Odluke o izvršavanju Budžeta Općine Foča za 2020. godinu prema kojim budžet za 2020. godinu iznosi 1.696.783 KM, što je za 8.917 KM manje od planiranog. Razlog za donošenje Odluke o izmjenama i dopunama Budžeta Općine Foča za 2020. godinu su značajne promjene u strukturi prihoda. Naime zbog pojave pandemije izazvane corona virusom došlo je do značajnog smanjenja poreskih i neporeskih prihoda.

Istovremeno je Općina uspjela obezbjediti značajna sredstva za projekte koji nisu bili planirani prvobitno usvojenim budžetom te ih je bilo potrebno uvrstiti u budžet Općine.

U nastavku sjednice Vijećnici su razmatrali i usvojili Izvještaj o izvršenju budžeta općine Foča za prvih 6 mjeseci 2020. godine, Izvještaj o ostvarivanju politike Općine i aktivnostima Općinskog načelnika za 2019. godinu te Izvještaj o radu MZ-e Ustikolina sa finansijskim pokazateljima za 2019. godinu.

Na kraju sjednice razmatrane su Informacija Komisije za izbor članova Skupštine Javnog komunalnog preduzeća "Ušće" d.o.o. Foča – Ustikolina i Inicijativa Medžlisa Islamske zajednice Ustikolina o imenovanju pješačkog mosta u „Most žrtava genocida u Srebrenici“ o čemu su doneseni zaključci i te zadužene nadležne službe općinske uprave na dalje postupanje.

Za stručnu službu Općinskog vijeća

Vildana Drljević